

# NGĀ PAEREWĀ PĀPĀHO TE KŌWHIRI PAEREWĀ

## KO TĒHEA TE PAEREWĀ E HĀNGAI ANA KI AKU ĀWANGAWANGA?

Ka whakatakoto te [Tikanga o ngā Paerewa Pāpāho](#) i ngā herenga o ngā kaipāho i te wā e pāho hōtaka ana mā te reo irirangi, te pouaka whakaata koreutu, pouaka whakaata utu rānei i Aotearoa.

I te wā e tuku ana i tō amuamu, me kōwhiri i ngā paerewa e hāngai ana ki ō āwangawanga - e kore Te Mana Whanonga Kaipāho e whai whakaaro ki ngā paerewa kāore i te hāngai, ā, e kore e taea e koe te tāpiri paerewa i muri iho.

Tirohia ngā whakamārama i raro hei āwhina i a koe ki te kōwhiri i te (ngā) paerewa hāngai rawa.

## NGĀ IHIRANGI MŌRIHARIHA, WHAKAMANIORO HOKI

Ka pā tēnei paerewa ki:

- ngā pāpāhotanga e whakaatu ana i te onioni, te kirikau, te whakarekerekere, te kanga, ētahi atu whakaaturanga rānei e tūpono ana pea te mōrihariha, te ngaukino rānei
- te whakamahinga tika o ngā whakarōpūtanga, te whakarōpūtanga wā whakaatu, ngā tohutohu (tae atu ki ngā whakatūpatotanga) me te whakarite hōtaka wā tika.

## NGĀ PĀNGA TAMARIKI

Ko te pānga tēnei ki ngā tamariki hei kaimātakitaki, kua hei kaiwhakauru. Ko te pānga nui o tēnei ko ngā mahi i whāia hei tiaki i ngā tamariki, mā ngā whakatūpato, ngā kōmakatanga me te whakarite hōtaka (hei tauira, i te wā, i waho rānei i te wā mātaki, whakarango rānei o ngā tamariki).

## TE WHAKATAIRANGA I TE WHANONGA TUREKORE, TŪHOURANGI RĀNEI

E pā ana ki ngā pāhotanga e akiaki ana pea i te hunga mātakitaki ki te takahi i te ture, e whakatairanga ana rānei i ngā whanonga turekore, te whanonga tino tūhourangi (hei tauira, te taitōkai, te whakamomori, te kai pūroi rānei) Ka uru ki ngā herenga kia aro te whakatairanga waipiro ki ngā tikanga pāpori.

## TE WHAKAHĀWEA ME TE WHAKAHAHANI

Ka pā ki te whakahāwea/whakahahani e anga ana ki ētahi wāhanga tauwhāiti o te hāpori, kua ki te tangata takitahi. Me nui tonu te momo whakahē e kitea ai te takahitanga o te paerewa. Ka whakaarohia pea ngā ihirangi pāpāho e whakaaweawetia ana te whakakaha, te whakaū rānei i ngā whakaaro horapa.

## TE TAURITE

Ka pā anake ki ngā hiranga tūmatanui, kawē pūrongo, take o te wā, whakaaturanga pono rānei e kōrero ana i ngā take tautohe Me whai ngā kaipāpāho i ngā mahi whaitake ki te whakaatu i ngā whakaaro o ngā taha katoa o tētahi take nui, hāunga ka taea te kī, kua mātau kē te hunga mātakitaki ki ngā whakaaro whānui mai i ētahi atu pāhotanga.

## TE TŌTIKATANGA

E hāngai ana anake tēnei paerewa ki ngā kawē pūrongo, take o te wā, whakaaturanga pono rānei. Me tōtika ngā kōrero kei ngā whakaaturanga, e pā ana ki ngā 'take meka hira', ā, me kua e whakatuapeka i te tangata. E herea ana ngā kaipāpāho ki te whakatika i ngā hapa nui i te wā e tika ana.

## TE MATATAPU

Ka pā anake ki ngā tāngata takitahi e whakaatuhia ana i roto i tētahi whakaaturanga, otirā mēnā i raro te tangata. Ko ngā take matua mēnā i whaitake te manako o te matatapu o te tangata, mēnā i whākina he kōrero matatapu, ā, mēnā he mōrihariha te whākitanga, te kōkohutanga rānei.

## TE TŌKEKE

E pā ana tēnei ki te tōkeke ki te tangata takitahi, rōpū whakahaere rānei e whai wāhi ana, e kōrerotia ana rānei i roto i te whakaaturanga. Ko ngā take nui ko te whakaaetanga whai mōhio, te whakaurunga whai mōhio, te āheinga rānei ki te tuku kōrero.